

Der Herd

Text: KuS

S' Häusle isch jetzt fertig
au scho halber zahlt
10 Jahr ohne Urlaub
immer feschte g'spart.
Endlich isch's so weit
s'goht noch Stuagert na
steigt ins nächste Flugzeug
fliegt nach Afrika.

Sitzt er uf seim Plätzle
beim'a Fläschle Bier
sagt er zu seim Schätzle
endlich send mer hier.
So mitten drin beim Vesper
denkt er plötzlich dra
isch der Herd jetzt aus
oder isch er an.

Mach koi Theater
bring mi bloß net draus
i bin ganz sicher
der Herd isch aus.

Unser Traum wird wahr
Ferien in Afrika
keine Sorgen mehr,
wenn nur der Herd net wär.

Glücklich sind se glandet
am Golf von Hamamed
mit dem Bus ins Hotel
testet Klo und Bett.
Alles wär in Ordnung
und wieder denkt er dra
isch der Herd jetzt aus
oder isch er an.

Mach koi Theater
zieh di endlich aus
i bin ganz sicher
der Herd isch aus.

Unser Traum wird wahr
Ferien in Afrika
keine Sorgen mehr,
wenn nur der Herd net wär.

Safari in die Wüste
unser Jeep der kocht
hungrig sitzt Löwen
rund um's Wasserloch.
alle standet rum
doch er denkt wieder dra
isch der Herd jetzt aus
oder isch er an.

Mach koi Theater
hol des Wasser raus
i bin ganz sicher
der Herd isch aus.

Unser Traum wird wahr
Ferien in Afrika
keine Sorgen mehr,
wenn nur der Herd net wär.

Einmal sich was leisten
d'Wildzeitung wird klaut,
steht a rote Schlagzeil
abgebranntes Haus.
Er fängt an zu schwitza
der Blutdruck der steigt a,
war der Herd jetzt aus
oder war er an.

Mach koi Theater
s' war net unser Haus
i bin ganz sicher
der Herd war aus.

Unser Traum wird wahr
Ferien in Afrika
keine Sorgen mehr,
wenn nur der Herd net wär.

Sieben schöne Tage
am Golf von Hamamed
es war ziemlich teuer
300 Mark sind weg.
Jetzt muß ma wieder spare
doch immer denkt er dra
war der Herd jetzt aus
oder war er an.

Mach koi Theater
bald send mir zu Haus
na wirsch scho sehe
der Herd isch aus.

Unser Traum war wahr
Ferien in Afrika
keine Sorgen mehr,
wär nur der Herd net gwä.

Unser Traum war wahr,
Ferien in Afrika
keine Sorgen mehr,
wär nur der Herd net gwä.